

上虞縣誌（光緒）八

上虞縣志卷三十八

雜志

風俗

萬厯志云虞俗被舜聲教民習勤儉安耕織不樂商賈以故富籍無千金之產臧獲無百指之家內外之辨甚嚴貴賤之分不躐士勤誦讀尊師友以廉恥氣節相高嘉靖間嚴嵩當國權傾中外虞人入仕籍者輒毅然首斥其奸彈章踵接至嵩父子有云天下人容我獨虞人不能容我此可以概其俗矣國初以來純古儉樸民俗

猶舊咸同後北鄉之民懋遷滬上習染洋風衣服奇麗
男女奢華風氣大變東西南鄉儉嗇未改而士夫習禮
鄉民興仁乾嘉遺俗寢以衰息至於士風不振提唱無
人一邑皆然富者膏粱醉飽無志詩書寒士未畢五經
居然學究間有一二有志之士忍餓讀書而株守一隅
見聞未廣自非出類拔萃尠能成就遠大是在良有司
振興文教首儲四部書於尊經閣遴高才生常住書院
厚其廩餼嚴其課程俾一意讀書不致分心而虞地山
僻不能延致大師尤宜仿文翁化蜀法選開敏有材者

遣詣省會受業鉅儒減省用度以資膏火庶諸生皆有成就虞雖編小學問經濟其間必有傑出者

新纂

萬厯志云男率於十五歲以上值元旦清明冬至日冠女臨嫁日笄拜天地宗祠及尊長若夫三加訓戒以行禮者尠矣 國朝以帽頂分品級制度聿新生男自彌月雍髮至七歲以上猶參用古裝迨就傅入塾卽戴纓帽鮮有計年行冠禮者

備稿

萬厯志云婚定於納采鮮行親迎之禮頗重信義輕財貨故女家無朝諾夕更男家亦不責荆釵裙布親屬款洽

風俗

數世猶相往來至於門第之別親戚之分虞故斤斤焉
近時虞俗婚嫁兩家必擇親友相識人爲媒所以謹其
始也男家設宴求媒往女家女家亦設宴以待禮幣或
銀錢或釵鐲綾緞視貧富爲等書帖男紅女綠多以敬
求敬允具名爲信或亦有書名書庚者將娶之前有饋
曰約日盤有銀錢折禮曰發送娶之前一日有饋曰開
面盤娶之後一日有饋曰冷靜盤娶之前一日女家設
宴請壻媒氏伴而來曰過門酒畢壻先返蓋親迎之遺
意也女將行服朝服朝裙用紅帕蒙頭曰蓋頭祇父兄

抱扶入綵轎樂戶以鼓樂導迎至壻家中堂樂戶贊禮
男與女皆三請然後扶掖出轎行交拜禮尊長上香擇
夫婦齊眉齒德兼隆者然花燭又有穉女添粧穉男讀
祝拜畢以紅綠帕行合卺禮送入洞房男左女右坐於
牀樂婦進合歡杯曰交杯酒旋或姑或妯娌代揭蓋頭
祇卽日又拜舅姑及親屬長輩閨三日曰三朝告廟及
至厨房取主中饋之義亦有一日而並行其禮者稿備
案崔志云虞邑近時風俗好於孩提時輕許爲婚納采
又僅以名帖爲憑於是長子所聘未婚而夭欲卽移
配次子長女受字而夭欲卽以次女抵嫁又或假尊長
出名騙誘女家變幻出奇遂致彼此爭訟謹案司馬溫

風俗

公書儀參以朱子家禮頒示名帖一定款式均宜遵照以杜訟端乃近來虞邑婚帖仍不寫明男女長次某名而移配抵嫁之弊尙不至如崔志所云風氣猶爲近古惟富家務在妝奩豐厚甚或鬻產負債以求觀美貧家許字論財或七八十金或百金或百數十金聘禮盤儀多益善每見有千金之家因嫁女而中落農民積十年贏餘因娶婦不足又稱貸而益之遂窮約以終身甚有老死不能婚者凡此二創遺害甚巨薦紳先生有能倡導而變化之庶幾男女以正婚姻以時虞民其有周之遺風乎

萬厯志云居喪頗盡古禮然習於儀文侈酒饌以延客用浮屠以超度盛導殯以炫觀夫宗人執事者膳之固宜舉族衆攢食喪家略無哀憐之色此豈人情耶而力有不支遂創爲擇日開靈之說至溺於堪輿家言停柩不

舉間有一室數棺或百年無一抔土者嗟乎親喪惟所
自盡吾不知虞之作俑者誰矣嘉慶志云虞邑近有一
輩無恥之徒乘人遭喪強來索食既非戚黨又非素識
名曰送殮實圖哺啜喪家如不能供必須散給錢文否
則羣相詬詈甚且奪門競鬧情何以堪用示禁以杜刁
風備稿云男女居喪服飾儀節大率本之文公家禮初
喪慟哭訃聞親族臨喪舉哀隨歛成服每七日一祭多
用釋道懺度以七七爲滿期擇日開靈受弔或逢七受
弔棺用杉木葬以磚石爲槨大夫用翁仲望柱墓誌銘

神道碑尋常士庶則立石題名而已有貧不能葬者多
浮屠用草覆棺歲久則骸骨暴露反不如掘壙土掩之
爲得也

萬厯志云祭則家各異時忌日無論貧富皆知行之然止
列羹飯香燭成禮而已清明必犧牲以祭重展墓也嘉
慶志云春秋分家各異禮冬夏至家皆祀之備稿云元
旦中元除夕家皆祭之餘則婚娶科第除授必盛服告
廟今虞俗常祭率用十盞清明或用犧牲及少牢者

新纂

元旦男女風興遠近爆竹相應焚香燭拜天地次詣其風

所設先人主及遺像所率卑幼拜之已男女序拜其尊
長誨且祝卑幼亦以次交拜男子盛服詣親友稱賀歲
間亦以酒食相款接曰歲假凡五日畢萬厯志至今遵用
其禮新纂○國朝韓廣業元日詩四載浮家歲月留
又逢元旦喜夷猶人聯東度鄰徐穉客儼南來揖
太邱蔬酒淡成賓客味關河遼隔弟兄
憂一年豐稔占消息兩度逢春閨有秋

立春先一日邑令率所屬迎綵仗土牛自東郊入男婦競
觀於途次日鞭牛以鼓樂導送各鄉士大夫而鄉人亦
以土牛之色爲旱潦豐凶之兆萬厯志國朝邑令迎春

於東郊設勾芒土牛裝春官募丐頭充之著古衣冠乘

肩輿鼓樂導從次日打春破土牛取小春牛以充饋遺

稿備

元宵街市懸燈各社廟賽神以鼓樂劇戲爲供陳設古器

奇巧相角等慈寺月堂上里中少年於月下較武聚觀

如市貴遊好事者放烟火爭勝自嘉靖間倭奴犯境遂

不復再

萬曆志

今則社廟演劇如舊等慈寺燬於粵匪并

無復昔年陳跡矣

新纂

春社前後各鄉村聚天齊社會旗幟繡東岳帝像以鼓樂

導迎齋戒必虔所至以酒饌相款洽謂之禮拜相傳明

季倭奴入犯各鄉村團練鄉勇演習隊伍保障一方有
警則交相接應後太平無事遂易戈矛爲旗幟假神道
以驅疫亦保甲之遺意也備稿。國朝李端本詩各
攜旗鼓戒同儕禮拜村村堡
堡排計定來朝三界去幾家投宿幾家齋王煦詩天齊
古社報春皇錦繡叢中傀儡場要把春城細摹繪貔貅
十萬下乃踵事增華日新月異乾嘉以來每禮拜畢三
昆陽月中里人又聚各社各旗迎東嶽帝於城中及東西兩
鄉謂之花迎羽葆鼓吹繡幟錦繡高蹻文馬魚龍百戲
約排場二三里許每年所費甚鉅雖太平盛事亦以見
風俗之日靡也新纂

端陽家各以角黍相饋遺設蒲觴屑雄黃其中佩用艾虎

及綵符以辟惡間亦有以是日祀先者採藥禳災競於

午前爲之

萬厯志

夏至各具麵爲祀

萬厯志

七夕間有宴以乞巧者

萬厯志

十五日設蘭盆會以祀無主

之鬼

嘉慶志。明謝肅七夕詩茅居湖曲帶風林筠簟庭中坐月陰自覺天孫銀漢會不關人世白頭吟

作金何有王陽術獻玉休懷卞氏心也復呼童具瓜果一壺卮酒醉更深

中秋夜設酒果於庭中以玩月十八日觀潮曹娥江游

萬厯

志

重陽親友以餠果相遺祀先如午日好事者間邀朋好登

高萬厯志○明車純九日詩江漢飄零一葉萍佳辰風雨暗江亭風流不學龍山醉只愛黃花伴獨醒

冬至祀先用牲醴視常節稍隆惟不拜賀

萬厯志

臘月二十三夜家家祀竈用湯團

新増

臘月二十五夜炒米花白豆撒室中謂之徧寶

沈奎補稿

除夕換桃符神茶鬱壘灑掃堂室爆竹不絕聲設牲醴祀

神祇謂之送歲仍家祭其先夜則羣長幼坐飲歡笑以

爲分歲亦有終夜齋坐稱守歲者

萬厯志

今則分歲後復

用湯團祭先合家長幼以次序食謂之團圓果守歲用

風俗

巨燭然竈司前或中堂竟夕燁煌

新纂○國朝胡銑除夕詩依舊生涯欲

啞然不知過此便新年翟公門署宜春字杜老囊留押
歲錢瑞氣湖山開雪後歡聲兒女話樽前更無賒望呼
如願家世清
芬抱一編

每歲六月十月兩期各村迎社神祈年報賽之意也所至

鳴鉦演劇親友聚觀以酒食相款

備稿

附丐戶女尼

萬厯志云四民之外有戶以丐稱者例不得與良賤等相
傳爲宋罪俘之遺會稽志謂其如人身之瘤蓋男女業
非四民之所業而四民亦恥爲其業至於通良家婚姻

之情每視利之多寡爲是非善爲流言煽惑巧於貿易
衣飾乾沒如鬼嫁女家用丐婦伴女出嫁或因之以竊
襁褓甚而離間骨肉傾陷親戚豈止如瘡已哉餘姚縣
志云宋南遷將卒背叛乘機肆毒及渠魁以勦捕就戮
其餘黨焦光瓚等貶爲墮民散處浙東之甯紹其類有
二一曰丐戶一曰郎戶良家吉凶之事男女皆來供役
衣服居處特異其制狗頭帽橫幅布裙低屋小房子孫
不得考取入學仕進良民不通婚姻謹案 國朝雍正
元年御史噶爾泰題准照山西樂戶削除其籍俾改業